

## **Тауарларға арналған декларацияны Еуразиялық экономикалық одақтың кедендік аумағында тауарларды қайта өңдеу шарттары туралы құжат ретінде пайдаланудың өзге жағдайлары туралы**

Еуразиялық экономикалық комиссия Алқасының 2018 жылғы 12 қарашадағы № 180 шешімі

Еуразиялық экономикалық одақтың Кеден кодексінің (бұдан әрі – Кодекс) 164-бабы 1-тармағының 1-тармақшасына сәйкес Еуразиялық экономикалық комиссия Алқасы **шешті:**

1. Тауарларға арналған декларация (бұдан әрі – ТД) Кодекстің 164-бабы 1-тармағының 1-тармақшасында көрсетілген жағдайдан басқа мына:

а) Одақтың кедендік аумағында қайта өңдеу жөніндегі операцияларды кедендік аумақта қайта өңдеудің кедендік рәсіміне орналастырылатын және ТД-да көрсетілген шетелдік тауарлардың декларанты тікелей жүзеге асырған, бұл ретте мына шарттар сақталған:

ТД-да қайта өңделген өнімдерді алу үшін пайдаланылатын барлық шетелдік тауарлар туралы мәліметтер көрсетілген;

егер кеден органына ТД тапсырылған Одаққа мүше мемлекеттің (бұдан әрі – мүше мемлекет) заңнамасында жалпы кедендік құнның өзге шамасы айқындалмаған болса, ТД-да көрсетілген тауарлардың жалпы кедендік құнының шамасы 10 000 еуроға балама сомадан аспайтын;

қайта өңделген өнімдердегі шетелдік тауарларды сәйкестендіру тәсілі ретінде Кодекстің 167-бабының екінші – бесінші абзацтарында белгіленген сәйкестендіру тәсілдерінің бірі пайдаланылған;

егер мұндай қорытынды беру кеден органына ТД тапсырылған мүше мемлекеттің заңнамасында көзделген болса, ТД-да мүше мемлекеттің уәкілетті органының (ұйымының) не тәуелсіз сараптамалық ұйымының сандық және (немесе) пайыздық мәнде қайта өңдеу өнімдерінің шығу нормалары туралы қорытындысы туралы мәліметтер көрсетілген;

б) олар туралы мәліметтер ТД-да көрсетілген шетелдік тауарлар аумағында кедендік аумақта қайта өңдеудің кедендік рәсіміне орналастырылатын мүше мемлекеттің уәкілетті органы Кодекстің 169-бабының 2-тармағына сәйкес қайта өңдеу өнімдерінің стандартты шығу нормаларын белгілеген, бұл ретте мына шарттар сақталған:

ТД-да осындай стандартты нормаларды белгілейтін құжат туралы мәліметтер көрсетілген;

қайта өңделген өнімдердегі шетелдік тауарларды сәйкестендіру тәсілі ретінде Кодекстің 167-бабының екінші – бесінші абзацтарында белгіленген тәсілдердің бірі пайдаланылған жағдайларда Еуразиялық экономикалық одақтың (бұдан әрі – Одақ) кедендік аумағында тауарларды қайта өңдеу шарттары туралы құжат ретінде пайдаланылады деп белгіленсін.

2. Осы Шешімнің 1-тармағының ережелері Еуразиялық экономикалық одақтың кедендік аумағына әкелуге және (немесе) Еуразиялық экономикалық одақтың кедендік аумағынан әкетуге рұқсат беру тәртібі белгіленген тауарлар тізбесінің (Еуразиялық экономикалық комиссия Алқасының 2015 жылғы 21 сәуірдегі № 30 шешіміне № 2 қосымша) 2.9 және 2.10-бөлімдеріне енгізілген тауарлар үшін қолданылмайды.

3. Осы Шешім ресми жарияланған күнінен бастап күнтізбелік 30 күн өткен соң күшіне енеді.

*Еуразиялық экономикалық комиссия  
Алқасының Төрағасы*

*Т. Саркисян*